



RADIO BERCIK - SILESIA

<http://www.radiobercik.eu>

info@radiobercik.eu

Slonzoki Poradzom

Jako jedyne radio we internecie uregulowali my wszystkie sprawunki kere pozwololy nom oficjalnie zarejestrowac zwionzek ftory my nazwali **Kulturvereinigung Bercik - Silesia e.V.**

Staranio bolo ku tymu niy malo, bo jak sami wycie kaj idzie o "drobne" to tyz je kupa lotanio i zalatwiano!

Kulturvereinigung Bercik - Silesia, jak same miono nom sam godo, to zwionzek kery sie zadol zadanie by wspolnie dbac i promowac ta naso piykno slonsko godka, -niy yno na papiorku!

Narazie nazywajom jom jesce gwarom, ale my momy nadzieja ze dockomy sie tego, ze nom te nasze godanie i beranie jako wlasny jynzyk kejs uznajom! Jak niy my, to nase dzieci abo wnuki, kere bydom oficjalnie jom na bez-dziyn i bez ganby we urzyndach stosowali.

A my z naszy strony robiemy wszystko co yno idzie, by my sie wszyscy tego dnia dockali! Momy sam na nasym radioku prezynterow, kerzy po slasku godajom, berajom, wice osprawiajom i nom przy tym czas umilajom!

Momy tyz rozmaite nojnnowse slonske spiywki, kere bez eter na colki swiat posylomy, wszyndzie tam, kaj to yno nos suchajom i radyjok BERCIK - SILESIA zaloncajom!

Zapolyncow tyz niekerych sam u nos momy, kerzy po slonsku strofki skryflajom. Robiom to z uciechom, tak jak yno poradzom, bo kaj sie mieli ty godki ucyc jak niy w doma, tam kaj tyj godce z colkiego serca Oma i Opa, Vater i Muter festy przajom!

We kozdo niydziela mogomy tyz Mszy Sw. z "Gutyna" (Dobrodziynia) posuchac, porzykac i za wszystko Ponbockowi piyknie podziynkowac, za zdrowie do colkyj rodzinki, za to, ze Slonsk do nos Slonzokow narychtowol kerymu to tak festy przajymy, a za to mu w naszym rzykaniu zowdy dziynkujemy!

Niy yno rzykac poradzimy ale tyz spotkania i biesiady robimy, tam kaj sie razym, do kupy po slonsku i przy slonskich spiywkach pospiywac i poklachac o hajmacie mogomy.

Na koniec jesce pora inksych informacji sam do was momy - co my jesce do was na nogi postawiyli: Toz we kozdo niydziela na wieczor o 20:00 zaproszajom nos wszystkich Leszek i Kornelia Filec do klubu "Albatros" na "Slonske Biesiadowanie" , kaj sie tyz wszyscy mogom dokupy pobawic i potancowac, choc niykerzy yno wirtualnie ale dziynki naszzy konzoletce pozdrowiyn zowdy blisko i zowdy cuzamyn!

Wiyemy tyz ze niy wszyscy jesce mogom albo tyz niy poradzom korzystac z komputera toz dlo nich uruchomiyli my nowo linia telefonicno na keryj to pod numerym **0515 866 64 9286** mogecie sluchac radyjoka i audycji nawet za darmo, styknie yno miec Telefon-Flat na numery stacjonarne we niymcach!

Toz jak widzicie jako Kulturvereinigung Bercik-Silesia, nie proznujemy yno robimy i bydymy dali wszystko robic co yno idzie, by ty naszzy godki nigdy niy zatracic. Bydymy jom posylac na colki Swiat, kaj nos yno suchajom, by niy ino my -ale i nastympne pokolynia dali po slonsku na wieki daly godali!

My do pomocy i wpolpracy zaproszomy,
a tym co pomagali abo pomogom sroge Danke godomy.

Sam jesce yno gibko nase konto na spyndy podowomy:
a fto zechce to mu tyz "Spendenbescheinigung" roz w roku wysylomy.

Wpłaty z niemiec prosimy pod:

Name: KV. BERCIK - SILESIA

KTO: 823609700

BLZ: 25260010

Bank: Volksbank Peine

Wpłaty z zagranicy prosimy pod:

Nazwa KV. BERCIK - SILESIA

BIC: GENODEF1PEV

IBAN: DE42252600100823609700

Kulturvereinigung Bercik-Silesia e.V.

KV.BERCIK-SILESIA@t-online.de